

**Қазақстан Республикасының Қаржы министрлігі Салық полициясы комитетінің мәселелері**

***Күшін жойған***

Қазақстан Республикасы Үкіметінің Қаулысы 1998 жылғы 22 мамыр N 465. Күші жойылды - ҚРҰ-нің 1999.02.25. N 173 қаулысымен. ~P990173

"Экономикалық қылмыспен күрес жүргізудің тиімділігін арттыру жөніндегі шаралар туралы" Қазақстан Республикасы Президентінің 1998 жылғы 6 мамырдағы N 3935 U983935\_ Жарлығына сәйкес Қазақстан Республикасының Үкіметі қаулы етеді:

1. Қоса беріліп отырған:

Қазақстан Республикасы Қаржы министрлігінің Салық полициясы комитеті туралы ереже;

Қазақстан Республикасының Қаржы министрлігі Салық полициясы комитетінің құрылымы бекітілсін.

2. Қазақстан Республикасының Қаржы министрлігі ағымдағы жылы мемлекеттік органдарды ұстауға арналған республикалық бюджеттің шығыстарына қажетті өзгерістер енгізсін.

3. Қазақстан Республикасы Қаржы министрлігінің Салық полициясы комитеті Қазақстан Республикасының Әділет министрлігімен бірлесе отырып, Қазақстан Республикасы Үкіметінің бұрын қабылдаған шешімдерін "Экономикалық қылмыспен күрес жүргізудің тиімділігін арттыру жөніндегі шаралар туралы" Қазақстан Республикасы Президентінің 1998 жылғы 6 мамырдағы N 3935 Жарлығына сәйкес келтіру

жөнінде белгіленген тәртіппен ұсыныс енгізсін.

4. "Қазақстан Республикасы Қаржы министрлігінің Салық полициясы департаменті туралы" Қазақстан Республикасы Үкіметінің 1997 жылғы 29 тамыздағы N 1308

P971308\_

қаулысының (Қазақстан Республикасының ПҰАЖ-ы, 1997 ж., N 40, 378-құжат) күші жойылған деп танылсын.

Қазақстан Республикасының  
Премьер-Министрі

Қазақстан Республикасы  
Үкіметінің  
1998 жылғы 22 мамырдағы  
N 465 Қаулысымен  
бекітілген

Қазақстан Республикасы Қаржы министрлігінің  
Салық полициясы комитеті туралы  
ЕРЕЖЕ

Миссиясы

Елдің экономикалық қауіпсіздігін нығайту, экономикалық қылмысқа қарсы күрестің тиімділігін арттыру.

I. Жалпы ережелер

1. Қазақстан Республикасы Қаржы министрлігінің Салық полициясы комитеті (бұдан әрі - Комитет) жедел-ізвестіру қызметін, анықтауды, алдын ала тергеуді және олардан туындайтын басқа да функцияларды жүзеге асыратын ведомство болып табылады.

2. Комитет өзінің қызметінде Қазақстан Республикасының Конституциясын, заңдарын, Қазақстан Республикасы Президенті мен Үкіметінің актілерін, өзге де нормативтік-құқықтық актілерді және осы Ережені басшылыққа алады.

3. Комитетті және оның аумақтық органдарын ұстау шығыстарын қаржыландыру республикалық бюджет қаражаты есебінен жүргізіледі.

4. Комитет заңды тұлға болып табылады, оқшауланған мүлкі, өзінің рәмізі, Қазақстан Республикасының Мемлекеттік елтаңбасы бейнеленген және өзінің атауы мемлекеттік тілде жазылған мөрі, сондай-ақ банк мекемелерінде тиісті есеп айырысу, валюталық және өзге де шоттары бар.

II. Басымдықтары

5. Комитеттің негізгі басымдықтары:  
салықтарды төлеуден жалтаруға және мемлекет алдындағы басқа да қаржылық міндеттемелерді орындамауға байланысты қылмыстармен күресті

күшейту;

өзге де экономикалық қылмыстардың және мемлекетке шығын келтіруге әкеп соққан құқық бұзушылықтардың алдын алудың, ашудың және тергеудің тиімділігін арттыру болып табылады.

### III. Комитеттің негізгі міндеттері

#### 6. Комитеттің негізгі міндеттері:

салықтардың төленбеуіне немесе мемлекет алдындағы басқа да

қаржылық міндеттемелердің орындалмауына байланысты қылмыстардың алдын алу, ашу және тексеру;

мемлекетке зиян келтіретін басқа да экономикалық қылмыстармен және құқық бұзушылықтармен күрес жүргізу;

экономикалық қылмыстармен күрес жүргізу саласындағы мемлекеттік саясатты жасауға және іске асыруға қатысу;

экономикалық қылмыспен күрес жүргізу саласында халықаралық ынтымақтастық болып табылады.

### IV. Комитеттің негізгі функциялары

#### 7. Комитеттің негізгі функциялары:

өзінің құзыреті шегінде қылмыстық жедел жағдайларды талдау және болжамдау, салықтық және басқа да экономикалық қылмыстарды тудыруға ықпал ететін жағдайларды зерделеу және оларды жою жөніндегі тиімді шараларды әзірлеу;

салық полициясы органдары қызметтерінің басым бағыттарын айқындау, оларды жүзеге асырудың құқықтық, ұйымдастырушылық, экономикалық тетіктерін әзірлеу;

Комитет органдарының жедел-қызметтік жұмысын ұйымдастыру және бақылау жасау, оларға практикалық және әдістемелік көмек көрсету;

мейлінше күрделі салықтық және өзге де экономикалық қылмыстарды және қоғамдық пікір тудырған қылмыстарды тексеру, шұғыл-ізвестіру шараларын жүргізу;

орталықтандырылған жедел-ізвестіру, ақпараттық-анықтамалық және

кадрлардың есебін жүргізу;

салық полициясы аумақтық органдарының жедел-қызметтік жұмысын жоспарлау және үйлестіру;

Бас прокуратурамен, Ұлттық қауіпсіздік комитетімен, ішкі істер министрлігімен, сондай-ақ Қазақстан Республикасының басқа да мемлекеттік органдарымен бірлесіп өзара іс-қимыл жасау;

салық полициясы органдарына кадрларды іріктеу және орналастыру және олардың оқуын ұйымдастыру;

салық, кеден және қаржы органдары жүйесінің қауіпсіздігін қамтамасыз ету;

салық полициясы органдарының қызметкерлерін, олардың отбасы мүшелерін әлеуметтік және құқықтық қорғау;

белгіленген тәртіппен Қазақстан Республикасы Үкіметінің қарауына қаржылық, кадрлық және материалдық-техникалық қамтамасыз ету, сондай-ақ салық полициясы органдарының қызметін жетілдіру жөнінде ұсыныстар енгізу;

Комитеттің құзыретіне жататын мәселелер бойынша заң жобаларын және өзге де нормативтік-құқықтық актілерді әзірлеуге қатысу;

өзінің құзыреті шегінде салықтық және өзге де экономикалық қылмыстармен күрес жүргізу мәселелері жөнінде Қазақстан Республикасының халықаралық міндеттемелерін орындау, шетел мемлекеттерінің құзыретті органдарымен бірлесіп іс-қимыл жасау, халықаралық ұйымдардың қызметіне қатысу;

салық полициясының аумақтық органдарына практикалық және әдістемелік көмек көрсету;

сондай-ақ қолданылып жүрген заңдарда көзделген басқа да функцияларды жүзеге асыру болып табылады.

## V. Комитеттің құқықтары

8. Комитет өзіне жүктелген міндеттерді іске асыру және өзінің функцияларын жүзеге асыру кезінде:

мемлекетке шығын келтірген салықтық және өзге де экономикалық қылмыстар (құқық бұзушылықтар) туралы іс бойынша жедел-ізвестіру қызметін, анықтау және алдын ала тергеуді жүзеге асыруға;

заңды тұлғалардың (жұмыс режимі айрықша заңды тұлғаларды қоса алғанда) және жеке тұлғалардың барлық құжаттарын тексеруді жүргізуге, оның барысында ұйымдардың лауазымды тұлғалары мен қызметкерлерінен, сондай-ақ азаматтардан пайда болған мәселелер бойынша анықтамалар, ауызша және жазбаша түсініктемелер алуға;

өзінің құзыретіне кіретін мәселелер бойынша барлық ұйымдарға және азаматтарға орындауы міндетті нұсқаулар беруге;

заңда көзделген жағдайларда, банктік операциялардың жекелеген түрлерін жүзеге асыратын банктерде және өзге де ұйымдарда олардың банктік шоттары бойынша салық төлеушілердің шығыс операцияларын тоқтатуға;

заңды бұзу фактілері анықталған жағдайда белгіленген тәртіппен құжаттарды , ақшалай және материалдық қаражатты алып қоюға;

заңды бұзған тұлғаларға өзінің құзыреті шегінде санкциялар мен айыппұлдар қолдануға;

заңда көзделген негізде және тәртіпте қару, арнаулы құралдарды сақтауға, ұстауға және күш қолдануға;

Қазақстан Республикасының заңдарында көзделген өзге де құқықтарды жүзеге асыруға құқылы.

## VI. Комитеттің қызметін ұйымдастыру.

9. Комитетке жедел-іздігіру және қылмыстық-процессуалдық қызметтен басқа, жалпы басшылықты Қазақстан Республикасының Қаржы министрі жүзеге асырады.

10. Комитетті Қазақстан Республикасы Қаржы министрінің ұсынуы бойынша Қазақстан Республикасының Премьер-Министрі қызметке тағайындайтын және қызметтен босататын төраға басқарады.

11. Комитет төрағасының Қазақстан Республикасы Қаржы министрлігінің Салық полициясы комитеті төрағасының ұсынуы бойынша Қазақстан Республикасының Қаржы министрі қызметке тағайындайтын және қызметтен босататын үш орынбасары болады.

Комитеттің облыстар мен Астана және Алматы қалалары бойынша басқарма бастықтарын Салық полициясы комитеті төрағасының ұсынуы бойынша Қаржы министрі қызметке тағайындайды және қызметтен босатады.

12. Комитет жүктелген міндеттерді орындай отырып, өзіне бағынысты аумақтық органдарға және Салық полициясының академиясына басшылықты қамтамасыз етеді.

13. Комитеттің төрағасы:

Комитеттің қызметіне басшылық жасайды және жұмыстардың ұйымдастырылуымен Комитетке жүктелген міндеттердің орындалуына дербес жауапкершілікте болады;

Салық полициясы комитетінің төрағасы орынбасарларының, құрылымдық бөлімшелері жетекшілерінің функционалдық міндеттерін айқындайды, олардың қызмет тәртібі туралы ережені бекітеді;

Қазақстан Республикасының мемлекеттік органдарында, сондай-ақ халықаралық ұйымдарда және шетел мемлекеттерінің құзыретті органдарында

Салық полициясы комитетін білдіреді;

өз құзыреті шегінде бұйрықтар, өкімдер шығарады, Комитеттің және оның аумақтық органдарының қызметкерлері орындау үшін міндетті нұсқаулар береді, қызметтер мен Комитеттің құрылымына енетін бөлімшелер туралы нұсқаулықтарды, басшылықтарды, жарғыларды, ережелерді бекітеді;

бөлінген штаттық сан және еңбекке ақы төлеу қоры шегінде Комитеттің орталық аппаратының лауазымдар тізбесін және штаттық кестесін, сондай-ақ аумақтық органдардың және Салық полициясы академиясының құрылымы мен штаттық санын бекітеді;

азаматтарды заңдарда белгіленген тәртіппен Салық полициясы қызметіне қабылдайды, алғашқы, кезекті арнаулы және полковникке дейінгіні қоса алғанда, атақтарды мерзімінен бұрын береді, сондай-ақ салық полициясының полковнигіне дейінгілерді қоса алғанда, басқа құқық қорғау органдарынан келген қызметкерлердің атақтарын қайта аттестациялайды;

орталық аппараттың қызметкерлерін, облыстар және Астана мен Алматы қалаларында - Комитет басқармалары бастықтарының орынбасарларын, бөлімдерінің бастықтарын; ауданаралық (аймақтық) бөлімдердің бастықтарын, қалалар, аудандар және қалалардағы аудандар бойынша салық полициясы бөлімдерінің бастықтарын қызметке тағайындайды және қызметтен босатады;

салық полициясы органдарының басқа қызметкерлерін тағайындаудың тәртіптерін айқындайды;

Салық полициясы комитетінің және оған бағынысты органдардың қызметкерлерін тәртіптік тұрғыда көтермелейді және жаза қолданады;

Қазақстан Республикасының Үкіметіне, Қазақстан Республикасының Қауіпсіздік Кеңесіне және Президент Әкімшілігіне салық полициясы органдарының ұйымдық-штаттық, кадр және материалдық-техникалық қамтамасыз ету мәселелерін қоса алғанда, Комитеттің құзыретіне жататын мәселелер бойынша ұсыныстар енгізеді;

жоғары басшылық құрамға атақтар беру және салық полициясы органдарының қызметкерлерін мемлекеттік наградалармен марапаттау туралы, сондай-ақ оларға құрметті атақтар беру туралы Қазақстан Республикасының Президентіне ұсыныстар енгізеді;

республикалық бюджеттен бөлінген қаражат шегінде салық полициясының органдарын ұстауға арналған қаржы қаражатын бөледі;

өзінің құзыретіне жататын басқа да мәселелер бойынша шешімдер қабылдайды.

14. Комитет төрағасы болмаған жағдайда, оның міндеттерін орынбасарларының бірі атқарады.

15. Бағынысты органдардың қызметін үйлестіруді қамтамасыз ету, жедел

іс-қимыл қызметінің мейлінше маңызды мәселелерін қарау, олар бойынша келісілген шешімдер қабылдау үшін Салық полициясы комитетінде құрамында: Комитеттің төрағасы, оның орынбасарлары, Академия бастығы, сондай-ақ салық полициясы органдарының басқа да жетекші қызметкерлері бар консультативтік-кеңесші орган - Офицерлік кеңес құрылады. Офицерлік кеңестің ресми құрамын және ол туралы

Ережені Комитеттің төрағасы бекітеді.

16. Салық полициясы комитетінің жанынан, Ережесін Салық полициясы комитетінің төрағасы бекітетін, ғылыми-консультативтік кеңес құрылуы мүмкін.

17. Салық полициясы органдары қызметкерлерінің қызмет өткеру тәртібі Қазақстан Республикасының Үкіметі бекітетін Ережемен айқындалады.

18. Комитетті қайта ұйымдастыру және тарату Қазақстан Республикасының заңдарында белгіленген тәртіппен жүзеге асырылады.

## VII. Жауапкершілігі

19. Комитеттің лауазымды тұлғасы қызметтік міндеттерін орындамағаны немесе лайықсыз түрде орындағаны үшін Қазақстан Республикасының заңдарында көзделген жауаптылықта болады.

Қазақстан Республикасы  
Үкіметінің  
1998 жылғы 22 мамырдағы  
N 465 Қаулысымен  
бекітілген

Қазақстан Республикасының Қаржы министрлігі  
Салық полициясы комитетінің  
**ҚҰРЫЛЫМЫ**

Басшылық  
Бас жедел басқармасы  
Бас тергеу басқармасы  
Бас ұйымдық-құқықтық басқармасы  
Ішкі қауіпсіздік басқармасы

Хатшылық (басқарма құқығында)  
Кадр басқармасы  
Қаржы-шаруашылық басқармасы  
Кезекші бөлім  
Жедел-техникалық бөлім

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК